

22 FEB 2000

AGONG KIRIM PERUTUSAN TAHNIAH KEPADA PRESIDEN GUYANA

KUALA LUMPUR, 22 Feb (Bernama) -- Yang di-Pertuan Agong Sultan Salahuddin Abdul Aziz Shah telah mengirim perutusan tahniah kepada Presiden Guyana Bharrat Jagdeo sempena Hari Republik negara itu.

Menurut kenyataan Wisma Putra, Perdana Menteri Datuk Seri Dr Mahathir Mohamad menghantar perutusan yang sama kepada Jagdeo.

"Malaysia dan Guyana mempunyai hubungan yang erat dan saya menaruh harapan untuk terus bekerjasama dengan Tuan yang Terutama bagi memperkukuhkan lagi hubungan," kata beliau.

Menteri Luar Datuk Seri Syed Hamid Albar dalam perutusan kepada rakan sejawatannya, Clement J Rohee berkata kedua-dua negara mempunyai hubungan baik dan juga dalam isu-isu antarabangsa.

Guyana, yang terletak di Amerika Selatan mencapai kemerdekaan dari Britain pada 1966. Penduduknya berjumlah 750,000 orang.

-- BERNAMA

RV FAZ